

**Disputatio medica inauguralis, de tetano ... / Eruditorum examini subjicit
Dionysius Considen.**

Contributors

Considen, Dionysius.
University of Edinburgh.

Publication/Creation

Edinburgi : Excudebant Adamus Neill et Socii, 1804.

Persistent URL

<https://wellcomecollection.org/works/afrrrh6p>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISPUTATIO MEDICA.

INAUGURALIS

DE

T E T A N O.

DISPUTATIO MEDICO

IMAGINARIA

О И А Т Я Т

DISPUTATIO MEDICA
INAUGURALIS

DE

T E T A N O ;

QUAM,

ANNUENTE SUMMO NUMINE,

EX AUCTORITATE REVERENDI ADMODUM VIRI,

D. GEORGII BAIRD, SS. T. P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu; et

Nobilissimæ FACULTATIS MEDICÆ Decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

ERUDITORUM EXAMINI SUBJICIT

DIONYSIUS CONSIDEN,

HIBERNUS.

“ *Quid tale immanes unquam gessisse feruntur*

“ *Vel SINIS ISTHMIACA pinu, vel rupe profundâ*

“ *SCIRON, vel PHALARIS tauro, vel carcere SULLA?*

“ *O mites DIOMEDIS equi: BUSIRIDIS aræ*

“ *Clementes. —*

CLAUD.

vii. Calendas Julias, horâ locoque sólitis.

EDINBURGI :

EXCUDEBANT ADAMUS NEILL ET SOCII.

1804.

DISPUTATIO MEDICA
IN VENERABILIS

MO

О И А Т

ОИАТ

ОИАТ ОИАТ ОИАТ ОИАТ

ОИАТ ОИАТ ОИАТ ОИАТ ОИАТ

ЧАСТЬ ДЬЯВОЛ ГЕОРГИЙ

ОИАТ ОИАТ ОИАТ ОИАТ

ОИАТ

ОИАТ ОИАТ ОИАТ ОИАТ ОИАТ

ОИАТ ОИАТ ОИАТ ОИАТ

ОИАТ ОИАТ ОИАТ ОИАТ ОИАТ

ОИАТ ОИАТ ОИАТ

ОИАТ ОИАТ ОИАТ ОИАТ ОИАТ

ОИАТ ОИАТ ОИАТ ОИАТ

ОИАТ ОИАТ ОИАТ

DIONYSIUS CONSIDER

ОИАТ ОИАТ ОИАТ ОИАТ

MILITI

FORTI ATQUE STRENUO,

R I C C A R D O V Y S E,

BRITANNICARUM COPIARUM

PRÆFECTO VICARIO ;

EQUESTRIUM BRITANNIARUM REGIS SATELLITUM

TURMÆ TERTIÆ

TRIBUNO ;

HANC DISPUTATIONEM

SUMMA OBSERVANTIA

D. D. D^{que}

DIONYSIUS CONSIDEN.



Digitized by the Internet Archive
in 2020 with funding from
Wellcome Library

<https://archive.org/details/b31967668>

T H O M Æ K E A T E,

ARMIGERO,

BRITANNIARUM REGINÆ

CHIRURGO;

BRITANNICARUM COPIARUM

CHIRURGORUM

PRÆFECTO;

HOC

OBSERVANTIÆ

T E S T I M O N I U M

PALAM

OFFERT

DIONYSIUS CONSIDEN.

СОВЕТСКАЯ АРХИТЕКТУРА

Советский архитектор

ИТАЛЯН МОНТ

Советский архитектор

ИТАЛЯН МОНТ

Советский архитектор

ИТАЛЯН МОНТ

Советский архитектор

DISPUTATIO MEDICA

INAUGURALIS

DE

T E T A N O.

PROOEMIUM.

§ I. **S**PASTICI morbi, qui communi nomine *TETANI* comprehenduntur, calidarum regionum, ut inter scriptores constat, præsertim autem utriusque INDIARUM, communes sunt. Verum interdum tamen vel in temperatis, ex læsis, irritatisve nervis, aliisve causis, mortales adoriantur et auferunt.

II. Sub calidis cœlis, sæpius invadunt pluviosis et frigidioribus anni temporibus, quæ incolæ ipsorum linguâ *MONSOONS* appellant. Nulla ætas est, nullus sexus, nullum tempera-

A mentum,

mentum, color nullus, quo his morbis mortales non afficiantur.

III. Spastici generis morborum præcipuæ, et, meâ quidem opinione, solæ, varietates sunt, *TETANUS, OPISTHOTONOS, TRISMUS, et CRAMPUS*. Nullas alias varietates conspicatus, has perindè describere conabor, ut ducenties ferè observavi, dum, in **INDIA ORIENTALI**, classis **BRITANNICÆ** nautis chirurgiam faciebam. *EMPROSTHOTONON* nunquàm egomet vidi; sed viderunt **GREGORIUS**, aliquique medici.

IV. Rem propositam pérsequendo, animum ad eam varietatem attendam, **INDIÆ ORIENTALIS** incolis propriam, quam *CRAMPUM* nuncupant medici. Inductus sum, ut id facerem, quòd, duobus annis, aliquot millia **BRITANNICORUM** militum et nautarum ibì merentium absumpsit; et quòd, quantum scio, **GIRDLESTONIUS** solus eam scriptis notavit, et is quidem leviter, pro rei magnitudine.

CAP. I.

De Definitione et excitantibus Causis.

v. TETANUS, quo nomine comprehenduntur varietates suprà memoratæ, à CULLENO definitur, “*Plurium muscularum rigiditas spastica.*” Sed, ni multùm fallor, aptius definiri potest, “*Initio plurium, sed, progressu et sub finem,*” “*omnium corporis muscularum contractio spa-*” “*stica.*”

vi. Tetanus, qui primus opisthotoni gradus est, plerumquè oritur ex frigore et humore, quibus commissum est corpus, labore vehe menteve exercitatione calefactum, vel fatig atione intemperantiâve debilitatum. Auræ iti dem

dem siccæ et frigidæ, in hujusmodi corpore, morbum nonnunquàm excitant. Quinetiam, aliquandò mortalibus inducitur hic morbus quiete super humidis navium constratis, udoe humo; dum corpora simul exponuntur roribus nocturnis, aurisve ex paludibus, locisve palustribus aut silvosis. Interdum, porrò, in sequitur aquam frigidam haustam, et lavationem in aquâ frigidâ; ubì exercitatione, ullâve intemperantiâ corpus calefactum est, vel debilitatum.

VII. Nonnunquàm quoque hic morbus efficitur gravi in apricis labore, post exinanitionem; cuius, enimvero, mirum semel exemplum vidimus. Venus vulgivaga, quæ, unâ nocte, tribus quatuorve deinceps viris constuprata erat, et postero die damnata, ut, in apri-co, ad vesperam usquè, jejuna vehementer laboraret, tetano correpta est. Octo dies morbus haud remissus perduravit. Stomachus interim erat adeò irritabilis, et ingestorum impatiens,

patiens, ut medicamenta, pariter ac esculenta et potulenta, revomeret ; atque tam longo jejunio, tantisque doloribus non perire scortum, nobis mirum videbatur. Nono tandem die, pauxillum vini aromatibus incocti stomachus retinuit. Hoc quotidie assumendo, simulque exiguae doses *tincturæ opii*, et ex materia firma diætam, impudica brevi revaluit.

VIII. Tetanus haud raro oritur ex amputatis membris, exceptis dentibus, atque punctis, laceratis, contusisve nervis. Hic denique morbus, ea præsertim species, quam *TRISMUM NASCENTIUM* nominant medici, nonnunquam proficiscitur ex diaeta insalubri, nimisve parca ; dummodò adjuvent alvus astricta, et valetudinis munditiæque incuria. Nunquam ex his causis morbum ortum ipsi vidimus ; sed, lectis et auditis confisi, quin his oriri possit, nulli dubitamus.

CAP. II.

De Signis.

ix. TETANUS, ubi ex frigore nascitur, non nunquam subito invadit, alias non nisi aliquot post horas, pro vi frigoris, vel modo quo applicatur, aliisve rebus, quas memorare non opus est.

x. Tetanus ex frigore ortus, à levibus plerumque incipit doloribus, qui eos simulant, quos movet incipiens *rheumatismus*, et à molesto ubique corporis sensu. Ingravescunt paulatim hi dolores; et, post aliquot horas, videntur ciere musculos corporis, eos præcipue abdominis et thoracis, in contractiones spasti-
cas.

cas. Hoc ferè tempore, frigescunt membrorum extremitates. Nauseat stomachus, et assumpta revomit. Vomitioni, nisi idoneis medicamentis remediisque tempestivè sistatur, superveniunt haud intermissa vomendi cupiditas et nisus ; quæ obstant, quò minùs assumentur esculenta, potulenta, et medicamenta, atque plerumquè, ad extremum usquè, urgunt.

xI. Progrediente morbo, dolor acutus et profundus, qui nobis videtur septo transverso inhærere, quoties æger se movere tentat, aut loqui, ab osse pectoris ad spinam pertendit, eumve ad locum, qui scapulis interjacet.

xII. Hic dolor seriùs ociùs, pro vi, quâ incursat morbus, malè afficit musculos posticos capitis atque cervicis ; simulque spasmi muscularum abdominis et thoracis in spasmos congeneres movent musculos inferiorum superiorumque membrorum, itemque eos faciei.

xIII. Ubì

xiii. Ubì morbus eò increvit gravitatis, musculis qui membra flectunt, iisque qui extendunt, rigiditate æquè pollutibus, et in contrarias partes trahentibus, corpus in rectum vehementissimè porrigitur. Quantis nunc doloribus cruciatur æger! Quàm miserabiles eduntur gemitus et ejulatus! Facies quàm distorta et cadaverosa! Crucamenta, enimvero, majora sunt, quàm ut verbis describi possint, animove concipi. Hæc morbi forma, quamvis non terribilissima, ea tamen nobis videtur, quæ *TETANUS* strictiùs appellari debet.

xiv. Hoc tempore, morbus citissimè increscit. Cùm truncus corporis inalgescit, tum membrorum extremitates, simulque lento ubique sudore madet cutis. Paucis sexagesimis horæ partibus, tantâ se vi contrahunt validi musculi dorsi spinæque omnes, ut, exsuperatis adversantibus antici corporis musculis, caput, nates versus, retrahant; musculis interea ab dominis,

dominis, cæterarumque anticarum partium corporis, rigidis, et, velut tabula, duris.

xv. Cùm eò increverit morbus, et non antè, musculi, qui attollunt maxillam inferiorem, tam immanni vi se contrahunt, ut dentium ordinés se invicem vehementissimè comprimant; neque diutiùs possit miserandus æger loqui, et dicere quid expetat, quantisque doloribus crucietur.

xvi. Ubì morbus hujusmodi malis ægrum urget, *OPISTHOTONOS* strictiùs appellatur; et, quantum vidimus, nunquàm non lethalis est. Contractio autem muscularum inferioris maxillæ, quæ nunc facit, ut comprimantur dentes, et loquendi impotens fiat opisthotonicus, nostrâ opinione non constituit eam morbi formam, quæ *TRISMUS* strictiùs nuncupatur. Hoc enim nomen ei tantummodo tetani varietati proprium est, quam inducunt amputata membra, aut læsi nervi, et de qua infrà dicemus.

xvii. Morbus, quem persequimur, omni formâ doloribus ægrum perexcruciat ; præser-tim autem opisthotoni formâ, sub qua, uti vi-detur, eum sentiendi haud rarò, simulque arbitrio animi se movendi, impotentem reddit.

xviii. Verùm vis tamen spasmorum non diù unâ vice urget. Sextâ plerumquè horæ parte, intermittit ; et, per intercapedines, musculi non solùm trunci corporis, et extremitatum membrorum, sed etiam linguæ, inferiorisque maxillæ, relaxantur ; id sanè, quod opinionem modò propositam confirmat.

xix. Per intermissiones spasmorum, qui, dummodò motus aut loquela non faciat ut repitant, interdum tertiam horæ partem, rarò amplius dimidiā, dant intervallum et relaxant, dolores interquiescunt, et æger de vehe-mente fame et siti conqueritur. Dummodò cibis jejunitatem expleat, crudos pòst paulò revomit. Quò sitim sedet, ab adstantibus ex-petit

petit frigidam aquam. Sed nequit datam devorare ; imò visam oculis refugit, et, sicut timore percusus, perindè singultientibus muscularis convellitur et agitatur, ac si, rabido animali morsus, hydrophobiâ afficeretur.

xx. Progrediente morbo, æger nonnunquam, at rarò, non suæ mentis est. Quod autem mirum est, sensus plerumquè, nisi ubì urget vis spasmorum, integri usquè ad ultimum manent.

xxi. Functiones, *NATURALES* dictæ, ut in gravibus morbis solent, semper haud parùm afficiuntur. Exhalatio cutis neutiquam naturalis et salutaris est. Sudor enim frigidus et latus, qui, per accessiones, erumpit, cruciantibus doloribus, et vehementibus muscularum contractionibus movetur, ideoque morbidus et insalubris habendus. “ Sudor,” inquit SANTORIUS, “ semper est à causa violenta, et, ut talis, sicut statica experimenta docent, im-

“ pedit

“ pedit coctorum perspirabilium occultam ex-
“ cretionem.” Urina plerumquè supprimi-
tur. Alvus semper astricta, nisi ubi urget ea
morbi forma, quam nomine *CRAMPI* infrà de-
scribemus.

xxii. Tetanum frigore ortum, quem hac-
nus persecuti sumus, semper comitatur febris.
Arteriarum pulsus solito duriores sunt, ac ce-
leriores; et, quo frequentius vehementiusque
urgent spasmi, eo earum motus citatores sunt,
eoque magis inæquales. Spiritus quoque ci-
tus est, præter solitum, et laboriosus. Remit-
tentibus verò spasmis, arteriæ tardiùs et æ-
qualiùs micant, atque facilior fit spiritus.

xxiii. Per totum tetani cursum, et omni
eius formâ, extremæ membrorum partes, præ-
ter naturam, frigent. Facies pallet; et lugu-
bris vultus verbis significantius indicat, quan-
tis malis æger opprimatur. Somni, leves et
subindè

subinde interpellati, corpus, fame et doloribus
confectum, nihil ferè omnino recreant.

xxiv. Descriptis, quām luculentissimē potuimus, duobus tetani gradibus, ordine quo,
post frigus et exinanitionem, adjuvantibus la-
bore et calore, invadunt et urgent; nunc ter-
tium morbi gradum, quem *TRISMUM* nominant
medici, describere aggrediemur.

xxv. *Trismus*, ubi nervis punctis, contusis,
aliove ullo modo, praeter membrorum ampu-
tationes, læsis, oritur, initio mitis est, et sen-
sim increscit ad maximam, et sœpè lethalem,
violentiam. Verūm nonnunquam tamen, ut
accepimus, statim post nervum laceratum,
magnâ vi adoritur; fortassè in iis præsertim,
qui corporis constitutione aut valetudine, su-
pra modum, irritabiles sunt.

xxvi. Plerumquè tamen levis incipit *tris-
mus* ab obtuso læsæ partis dolore, et molesto
sensu;

sensu ; qui pedetentim aggravescunt, et seriùs
ociùs in spasmos cident ejusdem partis muscu-
los. Hi spasmi continentè ingravescentes,
haud longo pòst tempore, nisi iis faustè sub-
veniatur, similes vicinarum partium musculo-
rum spasmos movent ; et, ad postremum, tho-
racis, cervicis ; itemque maxillarum inferio-
ris, quæ, per singula spasmorum incrementa,
superiori vehementissimè apprimitur.

xxvii. Ubì *trismus* eò pervenit gravitatis,
tetanum strictiùs dictum, et opisthotonon, quas
jam tetani formas suprà descriptsimus, aliquan-
tùm simulat. Verùm musculi tamen, qui in
devorando versantur, itemque musculi sinci-
pitis, et validiores dorsi, non tam immani vi
contrahuntur, quàm in iis morbi formis, qua-
rum modò mentionem injecimus. Spasmorum
autem incrementa, singulis vicibus, longiora
sunt : quo fit, ut corpus plùs debilitetur, et
morbus ægrum certiùs superet.

xxviii. Ado-

xxviii. Ad orientem *trismum* rarissimè, si unquam, comitatur febris. Arteriarum ictus sunt tardi et exigui, nisi per spasmorum incrementa, ubi sunt citatiores solito, simulque inæquales. Pallet semper facies. Lugubris vultus est, et majorem adhuc anxietatem exprimit, majoresque dolores, iis, quibus miseros urgent tetanus strictius dictus, et opisthotonus.

xxix. Cutis simul ad suum munus invalida est. Urina, nisi ubi in balneo sit æger, supprimitur. Alvus pertinaciter astricta est. Membrorum extremitates, imò universum quidem corpus, inalgescunt, et, per spasmorum accessiones, lento diffluunt sudore; qui, uti videtur, per spiracula, spasmorum dolorumque vi extruditur.

xxx. Per spasmorum decrementa, vomitiones rariores et leviores sunt, quam solent in iis tetrici varietatibus, quæ frigore oriuntur. Neque, enimvero,

enimvero, quantum vidi, musculi, quorum opere
devorantur cibi, adeo afficiuntur, quin aeger
possit cum esculenta tum potulenta glutire.

xxxI. Alimentum tamen, quantum obser-
vavimus, nunquam benè concoquitur. Ple-
rumquè, enimvero, accessione spasmorum re-
deunte, inconfectum revomitur. Omni pro-
fectò tetani tempore, omnibusque varietati-
bus, stomachus partim irritabilitate insolitâ,
partim magnâ vi opii quam assumunt aegri, ad
sua munera invalidus est.

xxxII. Alimenti coquendi impotentia, vi-
gilia, et spasmorum longinquitas, *trismus*,
quippe in quo plerumquè majora sint, quam
in jam dictis tetani varietatibus, his ferè ma-
gis lethalem reddunt.

xxxIII. *Trismus*, quem movent amputata
membra, rarissimè invadit nisi aliquot post
dies, ubi ferè jam revaluerunt incisæ partes.

Tum

Tum spasmi plerumque subito et vehementer corripiunt musculos thoracis, cervicis, et inferioris maxillae. Hujusmodi contractionibus, per complures horas, imo haud raro dies, urgentibus, dentes usque eodem comprimuntur, ut aeger possit neque cibos, neque potionem, neque medicamenta assumere. Morbus tum solum, nostrâ opinione, *TRISMUS* apte appellatur, cum huc processerit gravitatis.

xxxiv. Quod, tantâ vi morbi urgente, aeger alimenti et medicinæ aliquid assumat, quod eum recreet et levet, haud insolitum est dentium unum alterumve excipere. Plerumque autem morbi vim mitigare prorsus nequit medicina. In *trismo*, juxta ac in jam descriptis tetani varietatibus, sensus res perinde percipiunt, uti sunt, donec absit haud amplius una alterave hora, ut mors aegrum interimat.

xxxv. Cæteris tetani varietatibus descriptis, nunc eam formidolosam, et plerumque lethalem,

thalem, exponemus, quam ii, INDIAM qui incolunt ORIENTALEM, CRAMPUM nominant. De hac morbi forma, quæ mortalibus ibi terrarum orbis degentibus propria est, omnes, quòd scimus, auctores, præter GIRDLESTONIUM, siluerunt.

xxxvi. Hic morbus, iis semper anni temporebus, invadit, quibus frigidum et pluviosum cœlum est. Adoritur plerumquè noctu, aut primo mane. Spasmorum ferè incursum antegrediuntur profluviū alvi, tormina et tenesmus. Hæc mala comitantur faciei pallor, vultus luctuosus, prostratæ vires, extremitates frigidæ. Æger simul stomachus est; atque, nisi ei idoneis medicamentis opituletur, brevi perpetuâ et gravissimâ vomitione vexatur.

xxxvii. Paucis sexagesimis horæ partibus, post accessionem spasmorum, qui sanè citissimè ingravescunt, musculi inferiorum membrorum vehementissimis spasmis corripiuntur;

tur; neque multò pòst, itidem musculi abdominis, thoracis, cervicis; itemque faciei musculi, qui profectò, magis horrendum in modum, distorquentur, quàm in prima morbi forma, quam tetanum strictiùs appellavimus.

xxxviii. Sed hìc observandum est, miseros raro, donicum eò increverit morbus, vivere: nam plerumquè, primâ aut secundâ horâ, intercipiuntur. Siquandò sextam septimamve horam excedunt superstites, aliqua vitæ conservandæ spes medicum tenet.

xxxix. Mala, quæ modò memoravimus, parùm, si omnino, remittunt; præsertim vomito, quæ adeò urget, ut æger neque potiones neque medicamenta, quibus levetur, possit assumere.

xl. Quo magis ingravescant spasmi, eo magis extremæ membrorum partes, et totum quidem corpus, inalgescunt. Notæ oris minuntur.

tur. Oculi in orbitas recedunt. Extremi, cùm manuum tum pedum, digiti livescunt. Spiritus fit celer et laboriosus; atque arteriarum pulsus, qui initio erant tardi et exigui, nunc fiunt celeres et inæquales. Summâ ubique cute oritur frigidus sudor. Singulis temporis minutis, cor et arteriæ imbecilliùs micant; harumque demùm motus, admoto carpo dígito, vix percipi possunt.

XLI. Hujusmodi malis millia fortium militum atque nautarum in INDIA ORIENTALI perierunt. Ex his plurimi, inter vomendum aut dejiciendum, intercepti sunt.

CAP. III.

CAP. III.

De Diagnosi.

XLII. PRIMO accessu, morbus, quem persequimur, ubi frigore et humore oritur, nonnunquam, ut suprà memoravimus, incipientem *rheumatismum*, vehementemve muscularum distentionem, simulat. Magnâ, enimvero, similitudine, quæ his interdum morbis intercedit cum tetano, confiteor, me aliquot semel horas deceptum esse. Hoc errore, et, post eum detectum, curandi viam ineundo quam docet CULLENUS, medicinam frustrâ feci, neque potui ægrum servare.

XLIII. Aliquando quoque, ut suprà diximus, est, sicut in hydrophobia, tanta devorandi difficultas,

ficultas, ut æger neque cibos, neque potiones, neque medicamenta, glutire possit.

XLIV. Medicus tamen poterit, utrùm tetanus urgeat, an *rheumatismus*, muscularumve distentio, dignoscere: dummodò animadvertat, iñalgescant, necne, membrorum extremitates; qualis sit arteriarum pulsus; demittatur, necne, animus; qualis sit faciei color; qualis vultus; et præsertim, an dolor altus et acutus subindè penetret ab osse pectoris ad spinam, atque spasmi accedant.

XLV. Devorandi difficultas tantùm urget, iis temporibus, ubì remittunt spasmi, atque potu sitim explere æger aggreditur. Eò cùm per ventum sit, tetanus, pro hydrophobia, vix haberí potest, saltem si æger rabido animali morsus fuerit.

CAP. IV.

De Causa Proxima.

XLVI. MORBUM, quem tractamus, haud raro
oriri ex frigore atque humore, quibus commis-
sum sit corpus, supra modum calefactum, aut
sudore perfusum, inter omnes medicos conve-
nit. Nemo tamen, quantum scimus, conatus
est exponere, quemadmodum detrimentum, à
frigore & humore acceptum, tantam vim mor-
bi moveat. Rem igitur intentatam tantæ
magnitudinis, pro facultate, explicare aggre-
diemur.

XLVII. Ex quo tempore vixit SANCTORIUS,
consentient medici, exhalatione cutis, quæ ex
arteriis, venis, nervis, vasis absorbentibus et
exhalantibus, mirum in modum, intextis ac
implicatis

implicatis constat, plus quotidie materiæ ex corpore dissipari, quām quod secernant glandulæ, et excernant viæ naturales.

XLVIII. Convenit quoque inter omnes, frigus et humorem, modò iis exponantur mortales, præsertim calidi et sudore perfusi, cùm summam cutem astringere, tum ejus meatibus sic officere; ut non solùm sudor, si quis, subitò suppressatur, verùm etiam salutaris exhalatio, quâ superflua, et haud dubiè nociva, materia ex corpore in auras effugiat.

XLIX. Halitu cutis suppresso, materia nociva, quæ per eum dissipari solet, in sanguine retinetur, et eundem plūs minùs vitiat. “ Omnis verò humor jam secretus, vel naturâ, vel morbo, plūs minùs resorberi potest, et in sanguinem redire, eundemque nonnihil corrumpere, et tūm forsitan per organa non sua rursùs secerni, vel saltem transire *.”

L. Quām

* Vid. GREGOR. *Conspic̄t. Medicin. Theoret.* § 698.

L. Quām nociva sit materia, modō retineatur, quam dissipare solent cutis spiramenta, adhuc magis patebit ex iis, quæ dicturi sumus. In INDIA ORIENTALI, ut in BENGALIA aliisque partibus haud ignorant mortales, paucis pōst horis, quām ventus à siccis regionibus flare inceperit, cutis viæ astringuntur, superioresque siccescunt manuum partes. Qui hujusmodi ventis sese committunt, ii anginâ malignâ, aliisve morbis putridis, intercipiuntur.

LI. Pulmonum halitus, uti nunc compertum est, constat ex *hydrogenio carbonato*: et vix dubium est, quin is quoque halitus, quem cutis meatus emittere solent, ex iisdem naturis componatur; quæ fortassè quasdem insuper ammoniacas, aliasve nocivas nondū benè cognitas, secum commixtas, continent.

LIII. His cognitis, adhuc magis adducimur, ut credamus, materiam, quæ per cutis spiramina effugere soleat, naturâ nocivâ esse, et,

modò his astrictis retineatur, gravibus morbis occasionem præbere.

LIII. His concessis, mihi haud dubium videtur, retentam materiam, quam dissipare soleant cutis spiramenta, aliis forsan nocivis onustam, et extremarum arteriarum nervos, suâ naturâ valdè irritabiles, stimulantem, *PROXIMAM* omnium malorum *CAUSAM* esse, quibus mortales tetanus afficiat.

LIV. Sed quæratur, quomodò nervi, amputatis membris alioquive læsi, cutis halitum supprimere possint. Nervis quâcunque causâ læsis ingens dolor movetur, qui non potest, quin somnum impedit. Verùm, “ quæ,” inquit SANCTORIUS, “ impediunt somnum, “ impediunt quoque perspirationem cocti perspirabilis.” Quinetiam, “ punctura nervi,” ut idem effatur auctor, “ si lacte, farinâ, vel “ simili claudatur, ichor retentus ita acris fit, “ ut

“ ut moriantur convulsi, nisi oleo aperiatur
“ vulnus.”

LV. His consideratis, ad quæ sanè confirmanda, alios, si opus esset, auctores possemus citare, licet concludere, cutem et extremas ejus arterias, propter consensum, qui, per nervos, iis intercedit cum partibus vulneratis, haud minùs læsis nervis affici, quām frigore et humore.

LVI. Suppressa materia, quam corpori nocivam esse ostendimus, est, ut nobis videtur, non solū morbi, de quo scribimus, proxima causa, sed etiam *acuti rheumatismi*, podagræ, et *diabetæ*. Quippe hi tres morbi, id sanè quod verisimillimam hanc opinionem reddit, in EUROPA, cæterisque cœlis humidis, mortales sæpè cruciant et attenuant; dum, in calidis orbis terrarum regionibus, vix, vel saltem rarissimè, cognoscuntur. Quinetiam, ut plerique medicorum comperti sunt, *rheumatismus* optimè

optimè curatur sudorem ubique corporis copi-
osum, tenuem, et calidum eliciendo, neque, e-
nimvero, aliter persanari potest.

LVII. Putamus, *diabete* quoque affectis utile
fore sudorem movere; quippe quorum morbus
à suppressa cutis exhalatione haud dubiè ori-
atur.

LVIII. Neque, enimvero, dubitamus, quin à
sudore elicito podagrosi maximum itidem com-
modum acciperent. Namque verisimillimum
est, suppressum cutis halitum esse proximam
morbi causam, quo eorum articuli discrucien-
tur. Quippe podagricorum, eorumque qui
vina acida cerevisiamque potant, simulque
sunt forsitan aliis vitæ partibus intemperati,
summa cutis, ut nemo ignorat, semper est ca-
lida et perarida. Enimvero haud scimus, an-
non etiam in prole reviviscat hujusmodi cor-
poris habitus, et podagram propaget.

LIX. Materia, quæ, per cutis foramina, ex
corpore

corpore dissipari solet, retenta identidem in articulis deponitur ; durescitque in calculosam naturam, quæ seriùs modò, modò oculùs, podagricorūm articulos immobiles reddit. Hæc enim natura, ut nunc periculo compertum est, ex *urate sodæ* constat, in quæm vero haud absimile est illam materiam transmutatam esse, justo diutiùs in corpore manendo.

LX. Concessis iis, quæ diximus, nobis videatur æquum concludere, sedem podagræ et *rheumatismi* esse in patulis extremarūm arteriarum surculis ; qui, quippe obstructi, atque sanguine præter modum distenti, solito acriùs sentiunt, ideoque dolore excruciantur.

LXI. Nequaquam igitur mihi convenit cum claro medico LONDINIENSI, qui contendit, podagram et *rheumatismum* iis vasis inhærere, quæ *LYMPHATICA* nuncupent medici *. Nam,
his

* Vid. LATHAM. *Letter to Sir GEORGE BAKER on Gout and Rheumatism.*

his vasis obstructis, præsertim eorum extremitatibus, superveniunt tumores, albescentes, nitescentes, qui prementibus digitis cedunt; qualesque in partibus, quas discruciant podagra et *rheumatismus*, nunquam, quantum sci-
mus, oriuntur.

LXII. Hæc, de proxima tetani causa, diximus, partim rei magnitudine inducti; et par-
tim, ut alii, quibus sint majus otium et majo-
res facultates, ad eam indagandam animum
advertant.

CAP. V.

CAP. V.

De Prognosi.

LXIII. COGNITIS iis, quæ de tetano scriptis tradiderunt auctores, itemque iis, quæ narravimus, æquum videtur concludere, semper periculosum morbum esse, imò plerumquè lethalem; præcipuè cùm oriatur nervis amputatione membrorum, alioquinve læsis, ubi, enimvero, rarissimè sanatur.

LXIV. Quanquam autem tetanus gravissimus sanè morbus est, et maximo semper metu terret; tamen, si peritus medicus opportunè arcessatur, et promptè diligenterque curandi viam sequatur quam exponemus, sæpiùs, ut speramus, eveniet, ut ægri revalescant.

LXV. Ita

LXV. Ita fore, nos edocuit experientia. Nam ducenti ferè tetanici nobis curæ fuerunt, et possumus verissimè asserere, ex his duos tantum morbo succubuisse. Horum unus, qui ex duro labore et frigore morbum nactus est, præ errore morbi, in quem incidimus, perivit. Alter, post contusum pedis pollicem, morbo affectus est; neque ejus uxor certiores nos fecit de invaletudine, donec morti eum eripendi tempus præterivisset.

CAP. VI.

CAP. VI.*De Curatione.*

LXVI. COGNITIS iis, quæ suprà diximus, de causis tetani remotis et proxima, restat, ut exponamus, quibus medicamentis et remediis optimè curetur.

LXVII. Medicorum est, primùm ut advocati advenerunt, dare operam, ut quamprimum sanguis in superficiem corporis æqualiter distribuatur. Hunc in finem, opus est, ut summam cutem emollient, laxent, ejusque foramina aperiant.

LXVIII. Hoc cōsilio, æger in balneum quamprimum demittendus est, cuius tempe-

ries ea debet esse, quantam corpus sine incommodo pati possit, et in eo, quartam horæ partem, rarissimè diutiùs, manere. Intereà debet laneis acriter perficari ab uno duobusve hominibus. Ei simul porrigendum est vinum MADERIENSE caryophyllis et macide imbutum, ut cochleatim assumat, donec, extremis membrorum partibus incalescentibus, morbi da stomachi irritabilitas conqueverit. Deinde balneo submovendus est, et, calidis laneis involutus, et in lectum impositus, refricandus ; neque intereà debet vini usum intermittere, sed frequentiùs atque copiosiùs bibere, dum, ubique cutis, sudor oriatur.

LXIX. Ubì huc perventum est, æger, intermittentibus malis, interquiescit. Dein, ut primùm pati potest stomachus, debet, prout unum gula appetat aliudve, assumere aquam decoctam ex pullis gallinaceis, aut jusculum ex carne bubula vitulinave, aut jusculum ex iisdem pedibusve vitulinis coactum, aut *cycat*

tem

*tem circinalem** et vinum, quibus immixta aromata fuerint.

LXX. Tùm, simul ut, his factis et assumptis, sanguis in superficiem corporis satis diffusus est, oportet ægrum viginti quinque trigintave *tincturæ opii* guttas, in cyatho vini aromatibus mixtis imbuti, assumere. Nunquam, vel saltem rarissimè, opus erit, ut sæpiùs assumat.

LXXI. Quum, in hoc morbo, nulla mora interponenda sit, dummodò balneum non possit expeditè parari, levidensibus laneis ex aqua calida expressis, quibus aspersum sit *alcohol camphoratum*, corpus vehementissimè fricandum est; dein eadem pér omnia curatio, quam modò explicavimus, sine mora, adhibenda.

LXXII. Ubì morbus nervis, ex parte lacertatis, aut punctis, oritur, oportet, ut conquies-

* Anglicè *sago*.

cat irritatio, sine mora, læsum nervum ex transverso persecare ; dein plagæ calidis fotæ, quorum quartam saltem partem constituat *alcohol camphoratum*, calidum oleum terebinthinum infundere ; tūm superinducere calida cataplasma. Hæc identidem repetenda sunt, prout opus videatur, donec vulnerata pars operatò suppurraverit. Quoties membrorum amputatio morbum excitavit, ligamentum quam primum resolvendum est ; et quoties contusio, plures altæ plagæ scalpello in longitudinem faciendæ : dein ægræ partes iisdem, quæ modò diximus, remediis fovendæ et curandæ.

LXXXIII. Dum hæc fiunt, quò consopiatur irritatio, oportet balneo, et frictionibus, et vino MADERIENSI aromatibus jam dictis mixto, consequi, ut in cutem et membrorum extremitates salutariter diffundatur sanguis ; et ut jusculis nutrientibus et levibus, qualia suprà memoravimus, eâ copiâ quam ferre et concoquere possit stomachus, vires reficiantur.

LXXXIV. Quòd

LXXIV. Quòd si deest vinum MADERIENSE quod paret æger, aut deest quo id emat; et vinum rubrum LUSITANUM, quod secundas tenet, in stomacho, ut haud raro, acescit; *alcohol* GALLICUM aquâ fervidâ et aromatibus temperatum, eorum vice, assumendum est.

LXXV. Mirum sanè est, quantum vini, vel *alcoholis* diluti, præcipue postquam aliquando increverit morbus, ægri assumant, priusquam ex arteriarum pulsu scire possint medici, cerebrum, et vasa quæ sanguinem distribuant, assumpto affici.

LXXVI. Opium, ut experientiâ didicimus, ubi priùs adhibetur, quam vinum calidum, aromatibus mixtum, assumptum est, et factæ sunt cæteræ partes curationis, quam suprà memoravimus, nihil præterquam, stomachum adeò infirmando, ut haud multò pòst concoquendi impotens fiat, mortis gradum accelerat.

LXXVII. Ad-

LXXVII. Adductus sum, ut ita crederem; conspicatus opium, tam liquidum quam concretum, magnâ copiâ aliquot post horas revomi, quam devoratum esset, et mortem semper magnam ejus vim in stomacho retentam consequi. Eadem mala ex vomitoriis et catharticis, quæ tetano laborantibus præscribunt nonnulli medicorum, haud semel vidi.

LXXVIII. Quanquam perfusio corporis ex aqua frigida, à nonnullis medicorum multùm laudatur, tamen ne unum quidem tetano cruciatum vidimus, qui hinc opem impunè petivisset. Verùm haud negamus tamen, quin sint tetanici, quibus, modò juvenes et robusti sint, qui ad frigori resistendum valeant, neque etiamnum multùm increverit morbus, perfusio proficiat. At verò vel hujusmodi ægri, simul ut satis perfusi frigidâ aquâ sint, debent, sine mora, vinum cæteraque suprà dicta assumere; simulque uti cæteris expositæ curationis partibus, quatenus idoneæ videantur.

LXXXIX. Quibus autem tetanicis, seu naturâ infirmis seu morbo débilitatis, arteriarum pulsus exigui, tardi, et imbecilles sunt, inalgescuntque membrorum extremitates, eos, quippe cùm nequeant, quò minùs frigore torpeant, resistere, frigidâ aquâ perluere periculosissimum est, et vix non statim lethale. Quum ita sit, consulto et deliberato antè opus est, quàm audet medicus aquâ frigidâ tetanicum perfundere.

LXXX. Hoc tantùm præterea habemus, quod adjiciamus, quamcunque curationem cæteris anteferendam judicet medicus, eam quàm matrī expeditissimèque exsequi debet. Si enim cunctetur animi dubius, quid faciat, eundo increscit neglectus morbus, neque ullâ posteà medicinâ curari poterit.

LXXXI. Ubì præsentaneâ curatione, qualem suprà exposuimus, corpore æqualiter toto oriatur sudor copiosus, tenuis, et tepidus: nihil præterea opus est, nisi ut vino aquâ temperato,

to, aliisque diluentibus potionibus, sudor aliquot horas eliciatur ; dein æger assumat esculentia quædam nutrientia et concoctu facilia, simulque interdum medicamenta quædam, *CARDIACA* dicta, ex iis quæ calefaciunt et stimulant ; tūmque, ut paululùm revaluit, laneo vestitu corpus tutetur, ne à frigore detrimentum accipiat. Tali curatione possum, salvâ veritate, asseverare, me ducentos propè tetanicos ad sanitatem perduxisse ; quorum unius historiam hìc subjiciam, quippe cùm, quantum hæc valeat curatio, optimè ostendat.

LXXXII. Vir militaris, ex calido cœlo redux, ad occidentalem ANGLIÆ partem profectus est, ut suos viseret. Apud quos, dum se recreabat, *rheumatismo* et febriculâ correptus est. Hinc LONDINIUM redivit, revalescens quidem, sed nondùm confirmatus. Dum hìc morabatur, accidit, ut postero mane, quàm plateas frequentes perambulâasset, quò lumina fenestrarum admiraretur, quibus gaudium et lætitiam restitutæ nupèr pacis populus agitabat,
ubique

ubique corporis doloribus cruciaretur, qui paulatim abiérunt in rigiditatem muscularum pectoris, occipitis, cervicis et faucium.

LXXXIII. Auditâ ejus invaletudine, vetere amicitiâ permotus, properavi, ut viserem. Sed, hei mihi ! qualis erat, quantûmque mutatus ab illo, quem nuper cognoveram. Facies se obliquabat ad dextrum humerum. Rigeabant musculi cervicis, duritiâ tabulæ propè æquales. Maxillarum inferior superiorem adeò apprimebat, ut compressorum dentium ordines cochlearis marginem ~~vix~~ intromitterent. Arteriarum pulsus, sexagesimâ horæ parte, haud amplius quadraginta aut quinquaginta erant, simulque exigui. Tanta, per duas hebdomas continuas, fuerat dolorum vis, ut dies noctesque ferè insomnes egisset æger, gratâ nunquam quiete recreatus. Nihil devorare poterat, præter sorbitionem, quam, quippe injuncundam, parùm appetebat.

LXXXIV. Hoc tempore, tres eum medicinæ
F periti

periti quotidie visebant ; quorum autem duo tantum præcipiebant, quâ ratione curandus esset. Alter eum, perindè ac *rheumatismo* affectum, curabat : alter hoc tantum agebat, ut excogitaret, quibus ministris caput et collum in pristinum rectum reduceret.

LXXXV. Quum amicus in summo discrimine versaretur, et, nisi aliis ei auxiliis subventum esset, brevi periisset, spretâ medicorum invidiâ, et omnibus amici saluti posthabitî, sine mora curavi, ut libram propè vini aromatibus mixti biberet; et statim ferè pòst jusculum ex carne bubula, jusculum coactum ex eadem vitulinisve pedibus, *cycatēm circinalem* cum vino, vicissim assumeret eâ copiâ, quam ferre et concoquere posset stomachus. Cervicem, ut suprà, fovendam curavi, dein perfricandam *linimento volatili camphorato*. Vespere, meo jussu, haustum anodynum, cui inerant tringinta *tincturæ opii* guttæ, devoravit, qui, per quatuor horas continuas, placidum ei somnum conciliavit.

LXXXVI. In

LXXXVI. In hac curatione decem dies perseverando, usquè eò revaluit, ut posset in rus gestari. Diù autem posteà rigidi manserunt musculi ; et, pro vino rubro, quod in stomacho acescebat, *alcohol Gallicum* aquâ dilutum substituit.

LXXXVII. Quum mentionem fecerimus tetti varietatis, quam, quippe recentè natis propriam, *TRISMUM INFANTUM* medici nominant ; hic loci haud alienum erit, paucis dice-re, quâ ratione, et quibus medicamentis reme-diisque curari debeat.

LXXXVIII. Hunc morbum nunquam vidi-mus ; nisi per eum medici intelligent convul-siones, quibus, per quindecim vigintive post partum dies, opportuni infantes sunt. Hujus-modi, enimvero, convulsiones complurièn conspicati sumus.

LXXXIX. *Trismus nascentium*, ubi putatur ex retento *meconio* oriri, plerumquè potest alvum leniter

leniter purgando curari. Hoc consilio, manna, oleum *ricini*, vel *magnesia* assumenda est eâ copiâ, quæ infantis viribus conveniat.

xc. Si, ut interdum, hæc medicamenta non satîs valeant, unum alterumve *submuriatis hydrargyri* granum, cum pauxillo jusculi coacti ex *ribibus*, debet adhiberi. Hoc medicamentum haud rarò, ut nosmetipsi vidimus, infantum convulsiones percurat.

xci. Ubì autem morbus à lacte parco insalubrive nascitur, aut alimento pravo, aut immunditia, aut calore corporis non maternâ curâ foto ; efficacissima remedia erunt copia lacticis boni, quo profectò solo, per primum mensem, ali debet infans ; munditia ; tenera piæ matris cura ; et vestitus, qualis salutarem infantilis corporis calorem foveat.

F I N I S.



